

FILO

(*dial. «basso-romagnolo»*)

E Vèït ad Tramuntāna e e Sól

Un dè e Vèït ad Tramuntāna e e Sól i litighéva, parchè ognō di dù e vléva rësar piò fôrt ad cl êtar; quant ch'i vdè un viažadór, ch'e vnéva avāti tòtt imbartucê int la caparëla. I dù ch'i litighéva i fašè un pat: che e piò fôrt e srèbb stê quèll ch'l arèbb fat cavê la caparëla d'adös ae viažadór.

E Vèït ad Tramuntāna e cminzè a supiê fôrt, ma piò ch'e supiéva piò e viažadór u s imbartucéva int la caparëla. Tât che ala feñ e pôvar Vèït e duvètt tula pérsa. Alóra e Sól u s fè avdé in zil, e pôc dòpp e viažadór, che e sintéva chêld, u s cavè la caparëla. Alóra la Tramuntāna la duvètt ricgnòssar che e Sól l'éra piò fôrt ad lì.